

悔存詞鈔卷二

武進 黃景仁 仲則著

長寧 趙希璜 渭川校

湘春夜月

上元太平使院登城有作

漫登高此間不似今宵望去數點紅燈歷落逗林梢淺淺幾
家門巷便幾聲笑語聽也無聊是誰家年少空牆徙倚吹起
寒簫 紅橋舊路曾隨翠轂恰遇珠翹不是難甘岑寂奈風
情漸減轉覺簫聲驛夢隨塵散踏歌聲隱隱干霄三五月算今
年初度照他細草已種愁苗

謁金門

春寒中酒也半些無用城上蒼山看似夢風淒山欲動 一

悔存詞鈔

卷二

曲小池烟凍一樹野梅香送折入膽瓶添水供水寒花骨痛

摸魚兒

登滕王閣

幾何時詞人帝子消沉一樣如許西山眉黛還依舊感過幾
回歌舞君算取在此地憑欄幾個人龍虎前賢底苦把一序
當筵浮名些子占盡不教與 徘徊久忽見月明南浦帆檣
亂落如雨眼前是景堪供嘯多了津亭吏鼓君認取此地是
番禹百越雄門戶登高四顧歎多少興亡滔滔章貢流得此

愁去

石州慢

十六夜雨

背手巡牀不到黃昏窗兒便黑無聊無賴雨聲催過傳柑節
江城今夜不知冷院重門鎖深幾個消魂客端的不成眠在

心窩裏滴 愁極如此春宵可能再說千金一刻纔見梅花
便妬者還了得謝家兄弟縱有好句池塘夢兒可也難尋覓
明日認遙山想眉峯都失

木蘭花慢 十七夜對月

月高才丈五城頭上鼓淵淵道今夜收燈半城猶照剩管殘
絃爲問鏡兒那角被蝦蟆銜去落誰邊斷送一年元夜此時
有恨嬋娟 看來清淚總如鉛不是不重圓問此情何似曲
終錦瑟客散華筵只此膏騰過去算半生何事不堪憐相對
啾啾宿鳥惹人添倍無眠

樓上意

樓上憶意態忒分明花照眼月關情遠詞已托微波寄曉雲

梅存詞鈔

卷二

二

猶傍別峯橫牽羅袂拭淚眼可憐生 留下了許多珍重語
分下了一天別離苦山水驛短長亭馬經舊地嘶芳草雁和
殘夢落層城共 淒涼俱老大各飄零

買陂塘 白紵山

冷清清荒臺敗瓦日斜來弔宣武如雲賓從當年事對面青
山歌舞飛蓋舉下擁著螭鬚石眼人如虎南州雄據笑作賊
匆匆更何情緒來顧曲中誤 休相笑尚解登山作賦此兒
終有佳處一時裙屐原瀟灑誰料轉頭黃土江月苦把一片
歌聲悄悄沈將去雄心認取聽漠漠蒼林非絲非竹打起佛
樓鼓

六州歌頭 愁

從來此物埋塋幾書生提便起追偏遠聽無聲視無形百計
難迴避和著夢隨他醒攪著淚催他病不分明才聽人言我
欲先闌入青鏡無情便春花秋月如在霧中經畧怕飛觥也
難領 或來如陣索如負重如障固如城盧號莫湖稱莫四
難名九難名一事差堪取遇秋士始逢迎隨宋玉交吳質友
張衡倘是儻才儻父休相覷雅昧平生任江河萬里流不到
滄溟却也堪憎

應天長

題稚存小照

玉晨初破睡怪靜夜誰來盜他清氣廓廓落落著手蔚藍光
膩一鈎殘魄死是小劫前身堪記仙梵細却被天風斷續吹
起 何人能到此惟君尚堪位置換了狂奴便有幾行清淚
悔存詞鈔 卷二 三

卜算子慢

姑孰春感

過年樣日居斗大城閉着好春如駛極目平蕪直恁冷清清
地誰說南州如此真佳麗怎覓出一輛香車半行遊騎 若
問當年事有四姓衣冠千門羅綺一片斜陽收了傾城各士
爲傷春添出興亡意且錦被蒙頭睡過禁烟天氣

風流子

送人歸宜興

桃花浮一片雙槳急江水去何長算對泣楚囚聚原無益總
羣小鳥別又堪傷消魂極新知俱失路送客是他鄉十雨九
風春人俱去一亭兩榭花月俱荒 鴉啼青山曉離堂酒盡
殘燭黯無光屈指自今以往此夕難忘只來日大難憂負憂

病前途宜慎時暖時涼折得將離盈把助汝行裝

念奴嬌

清明偕容甫雅存訪城東古院

蒼城一角被城東古寺襯來如畫客子入門風習習松是一
千年者石徑蝸涎佛頭鳥糞鼠竄飄簷瓦間花滿地舊愁無
限牽惹 不合攜手登樓遠山愁絕一碧春魂化三兩兒童
相趁逐也算少年遊冶小有登臨不成時節添了離人話只
疑是夢未知此會真假

前調

送容甫歸真州

思親遠夢記連宵夜雨一燈分作羨爾思歸歸卽得飄若浮
雲先去客本非家聚原有散但怪如斯遠一鞭捎過勞勞亭
子邊路 今日世態波濤才名瓦礫無我疏狂處待覓五湖
悔有詞鈔

卷二

四

三畝宅多恐萱幃遲暮歸卽難歸客還送客觸起悲秋緒一
言墮淚不知何地重遇

千秋歲

二喬宅

傾城俊傑流韻江東壁空腹痛西陵客玲瓏齊解佩照耀分
聯璧誰不羨一門佳婿東風力 並倚攤書策舊地餘荒宅
風雨暗莓苔碧土消蘭麝氣井汲胭脂色曾染出南朝千載
生香國

春風曼娜

中秋夜使院對月

被冰輪入戶喚起無聊蘭炷滅篆香消恨平分秋色露和人
瘦細搖花影夢與簾飄寡女絲虛霜娥鬢冷空向空齋絮寂
窳樹底捉蝦蟇客去天邊駕彩鳳人遙 空自兩手叉竿雙

肩聳削閒題句枉費芭蕉愁萬叠淚雙交盈階蟋蟀半壁蟪
蛸急管三更瀰空作陣繚垣一曲割地成牢此時幾箇在好
關千畔低聲私祝歲歲今宵

步蟾宮

一層丁字簾兒底伴繡著花兒不理別來難道改心腸便話
也有頭沒尾 蘭膏半滅衾如水陡省是夢中情事可憐夢
又不分明怎得箇重新做起

滿江紅

吳大帝廟

伯也無年把草草江東付爾不數載南連北拒公然帝矣彼
國有人難徑渡諸君爲將偏甘死只幾封降表落中原生平
恥 垂珠冕翹華履晴點碧鬣掀紫問生兒誰道不應如是
悔存詞鈔 卷二 五
半壁江山成夜火一生事業憑春水小朝廷血食尚千秋誰
能此

醜奴兒令

潁州西湖半浸爲田矣

聚星堂上人何處一換揚州一換杭州剪碎西湖千頃秋
千秋魂魄重來此高處眠牛低處藏鷗便是蓬萊清淺流

高陽臺

自湧金門至柳浪聞鶯遇雨

問水亭邊湧金門外三錢穩趁湖船自我來思於今又是三
年敗荷衰柳垂垂盡似渠儂一樣堪憐最無端冷雨敲篷添
倍淒然 扁舟悄鱗蘋花畔喚舟人小坐却話從前見說當
爐於今尚記道錢兩峯不放修肩看爲傷心鎖合湖烟且歸
眠淚是愁人雨是愁天

買陂塘 過聚景園舊址

怪行行東湖一角
淒烟怨水如許
舊是趙家行樂地
那覓綺樓朱戶
君試數
只幾點流螢照打官蛙
鼓草蟲低訴
又垣粉零香階
瑤腐碧歲歲
羸秋雨
湖山路不是幾番
今古樓臺塞破烟霧
荷灣柳港知多少
三兩漁船占取菱唱
苦向斜日橫塘
窈窕聽將去
野花無數尚著露
含風年年開到
曾駐翠華處

前調

蝙蝠

到黃昏
廊虛屋古和烟
儵忽飛動佛樓山
館時來往
指破晚風一弄穿
畫棟怕攪亂香窩
燕子尋花
夢名經鑿空
怪鳥鼠都非羽毛
難別生不屬麟鳳
神仙種
不要淮南丹
汞羞他

梅存詞鈔

卷二

六

雞犬相共
寄人檐下
須臾事且耐
冷嘲閒諷
尋古洞聞說有
松脂石乳
烟霞供人間
無用便老爾
千年明砂拋盡
不值一錢重

前調

歸鴉同蓉裳少雲作

倚柴門
晚天無際
昏鴉去影如織
分明小幅倪迂畫
點上米家
顛墨看不得
帶一片斜陽
萬古傷心色
暮寒蕭浙似帶得
風來還兼雨
過催送小樓黑
曾相識
誰傍朱門貴宅
一枝誰更棲息
羽林金彈
休拋灑我是歸飛
倦翮飛暫息
恰好趁江船
小坐帆檣側
啼還啞啞笑
書角聲中
暝烟堆裏
多少未歸客

青玉案

泛舟丁家山下

湖天漠漠陰晴半
雙槩急湖雲亂
雲到峯腰船泊岸
水蓮花謝
旱蓮花放
沒個人來看
回頭拍拍飛鳧散
隔岸空挑酒家
幔莫爲聽歌腸
欲斷有情天地無
邊風月不與閒人算

一叢花

花朝

不成供養不成筵
爲爾禮金仙
衆香國裏休回首
要重來何事
生天羯鼓頻搥
并刀快剪判了一生緣
好春剛半月剛圓
此景最堪憐
人生若使當今日
便百歲也是中年
采筆前身紅塵去路
閱世總如烟

金縷曲

次韻贈劍潭

數語容蕭放
算神交大江南北
十年相望
試問一江東去水
誰似此情難量
怎相見轉成惆悵
半世顛狂誰念我
覓酒樓

悔存詞鈔

卷二

七

酣睡陶家巷
西園梗同飄蕩
直須位爾青霞上
耐些時衝寒
閣雪梅花情況
結習未除
猶綺語喜得瘦腰無恙
勤劬啄綠陰深巷
一片竹西歌吹
裏伴枯桐守住維摩
帳君試撫琴

山響

前調

莫把悲歌放
倚台垣二星司命
熒熒相望
狂到一分窮得倍
半忝肯差衡量
惹我輩坐愁行帳
願借一鋤乾淨土
取十年詞賦深深
蕙否卽付秦灰蕩
幾人笑我層城上
把茫茫塵沙下
士等閒相况
自見蓬萊清淺後
誰保鬢絲無恙
海水立一條如巷
便踏白鼉從此去
喚陽春小揭東皇
帳敲赤日坡

璃響

前調

急買扁舟放記隋家玉欄珠楸參差盈望亡國未關行樂事
莫把此兒輕量總付與夕陽惆悵一片景華宮下土有深宵
萬斛秋螢堊光照見香魂蕩故人醉我荷香上倩多情二
分明月伴人情况南部繁華猶未減漸報烟花多恙且歸去
踏歌深巷詞客揚州同落拓問誰先夢覺梅花帳吹鶴背笛
聲響

湘月

春夜

犀簾燈盡問深宵幾回枕上彈指生慣春愁怎昔日不到愁
心如此幾陣風時數聲雨後心碎如窗紙睡鄉纔穩隔花鐘
又敲起 試算天地茫茫斷無春到只有霜毛裏莫問尋歡
悔存詞鈔

卷一

八

便好夢不許而今重理病没人知寒無人問守得衾成水消
魂尚可更無魂可消矣

沁園春

題程仲南印譜卽索刻小印

刻石鼓詩勒燕然銘且從緩圖向雖螽與豆尋些事業銅斑
玉血墜出膏腴莫恤譏彈何妨篆刻世上由來幾壯夫人間
事被幾番鐘鼎換盡蟲魚 一言翁定胡盧肯爲試刻天妙
手無問書同雅點姓名誰識文惟醬覆印信何須我爲翁言
翁誠許我我當靈威赤虎符攜此去辟山精跳嘯路鬼抑掄
南鄉子

秋夜寄懷維衍

生怕數秋更况復秋聲徹夜驚第一雁聲聽不得纔聽又是
秋盡第一聲 凄斷夢回程冷雨秋花伴小庭遙想故人干

里外關情一樣疏鐘一樣燈

踏莎美人

發壽陽

背郭依山投村問驛古原何限勞勞客夕陽秋思正清酣坐
對數行秋樹古淮南 帳飲微醺衣塵漸染送人只有清淮
遠幾堆殘葉幾家村當日錦帆行樂是何人

鵲踏枝

落梅

怪道夜窗虛似水月在空枝春在空香裏一片入杯撩不起
風前細噉相思味 冷落閒庭猶徙倚者是人間第一埋愁
地占得百花頭上死人生可也當如此

江神子

端相一霎天津乍微噴却回身人間天上此景最消魂我

悔存詞鈔

卷二

九

戀卿卿卿自解戀我是何因

百字令

渡江至京口

銅琵琶板問何人解唱大江東去如此江山才稱得一個寄
奴家住花月茫茫魚龍混混淘洗英雄處金焦兩點爲誰闕
盡朝暮 却好南控金閭北連淮海劃斷繁華路我渡此江
凡幾遍自對夕陽低訴送客依依笑人碌碌多少閒鷗鷺卸
帆京口聲聲萬歲樓鼓

湘春夜月

竹簾同蓉裳賦

是何人生生擘碎湘雲掩映綺閣銀櫳漠漠漾波紋界上一
絲絲月又幾絲花氣約住爐熏任軟紅十丈此間清絕不到
纖塵 昔遊還記黃陵廟外青草湖濱細認綠烟一段有未

枯怨血不斷愁魂晝長空地看模糊猶帶烟痕斜捲處把冰
紋篋展楚詞讀罷如見湘君

東風第一枝

送錢獻之之西安

易水風寒幽州日淡誰教我輩遊此君行忒恁匆匆去醉古
咸陽市茫茫身世那禁得幾番不是放空囊老鐵成虹添得
關門氣紫 孟酒外離愁似海攜手處月華如水不知秋爲
誰深豈意別從此始經過壁壘問成名幾多豎子更咸陽一
炬秦餘可有蠹魚乾死

醉太平

夏夜聞隣院歌聲

池頭綠荷牆頭翠蘿照人迢遞星河忽誰家按歌 華心暗
磨歡場夢過不聽時也愁多况聽時奈何

悔存詞鈔

卷二

十

又

燈前眼波尊前頰渦也曾題遍香羅喚當筵唱過 紅兒玉
娥花娘麗哥半生清淚如波爲伊曹費多

又

江城綺羅遷鶯鬧蛾聲攪著聲婆被輕風遞過 中年感

多人生幾何便教徹夜清歌問伊家怎麼

百字令

柝聲

九門鎖上早蟾更報急凄凄夜永常向漏聲疎處補街鼓頻
番相應古駟銜山荒村抱水幾個人敲枕欲沈猶未星星蕭
寺鐘磬 便擬刁斗千屯胡笳萬帳無此聲凄警獨火營門
青似豆打得霜酸月冷今日嚴城傳來虎旅一樣驚清聽可

知獨客被他鄉夢敲醒

金縷曲 送楊蓉裳試令甘肅

羨爾抽鞭早把人間玉堂金馬付之一笑人說用才多錯迂
我道此行偏好便潘令輸伊年少却怪連宵同按曲早風前
屢犯伊京調是此日送行稿 長城盡處河流繞更經心洮
湟關隴幾重邊要昔日羌戎皆錦繡試擁專城坐嘯莫認作
功名草草只我送君真有淚爲文章知已如君少名山豹莫
忘了

八歸 題吳恁甫湖田書屋圖卽送其歸里

生綃一幅水鄉烟景圖就無限清感山脚平拖湖影綠還被
蒔田數稜織成綺簾白板閒扉垂柳處都付與水風開掩論
悔存詞鈔 卷二 十一

活計春雨菰蒲秋稅足菱茨 見說吾師別久農經拋却誤
踏軟紅塵窸窣香引思鷗波入夢茶尾吟邊愁黯今朝歸計
穩小別斯須袂重攬烟波樂莫教勾留好憶臨岐西山眉黛
斂

疎影 秋思

塵衣初典却一番商信吹下空館半枕還鄉裊作輕雲隔斷
楚天來雁請看十萬江南戶只一夜秋聲都遍作朝來微雨
廉纖失却吳山數點 尚有濛濛遠樹捲湘簾細認烟水無
限畫艇溪橋幾陣西風流出敗荷一片小橫塘唱愁凝睇正
賀老臨波瘦減忽低頭瓜果筵前孤負深閨歡讌

兩當軒詩鈔後跋

右兩當軒詩鈔十六卷武進黃仲則少尹謨長寧趙渭川貧外梓以行世者也少尹詩希蹤太白浩浩落落若乘鸞鳳而翔紫霄海內才士莫與抗手不假鄙人瞽說為揄揚也獨憶渭川貧外與先君子同官豫中以詩古文詞相切劘先君子亦篤愛是集曰與手書往復謀付剞劂竊於隨侍時親見之洎令嗣星厓別駕又嘗共事南河貧外就養

袁浦而是集之板亦移皮焉負
外歿後星厓奉諱旋粵道遠不
克攜以自隨尋有河患而板之
殘缺漫漶者多矣念先君子與
貧外既有同志而是集終不可
泯沒亟取其殘缺者補之漫漶

二

者脩之期於復還舊觀焉烏虜
以少尹之才而困頓無聊客死
安邑官不過縣佐年不及四十
傷矣斯集甫刊布而河伯又從
而厄之幾於漂失尤足慨歎豈
詩人之窮身後猶然耶抑瑰竒

曠逸之作忽隱忽顯亦有不可
端倪者耶近所傳少尹詩如吳
會英才集湖海詩傳之選僅吉
光片羽即都下所刊悔存齋稿
五百餘首亦非全豹讀者莫由
屬饜茲取負外所梓原本補完
之凡古今體詩八百五十四首
詞二卷七十九闋庶無遺憾焉
目印數百本以公同好竝述其
緣起如右非敢為詩人衍其傳
亦以承吾父與父執篤愛是集
之意也夫嘉慶二十二年孟冬

南河高堰通判侯官文軒鄭炳
文跋



族伯仲則詩才重海內著作甚
夥所刻兩當軒悔存稿尤膾炙
人口予遊齊豫索者甚衆雖有
家藏數本未足遍應甲午冬自
豫歸里檢其原板已漫漶無存
因將家藏是集付梓以公同好
云

四

道光十五年正月上澣族姪藝屏
錫申謹誌



